

河南省地方志丛书

明嘉靖南陽府志校注

第三册下

南阳地区史志
编纂委员会
总编室翻印

明倫彙編 家範典 卷一百一十五

南阳府志目录

第一卷

建置沿革 城池 形胜 公署 官制

第二卷

疆域 星野 山川 景致

第三卷

保里 王庄军屯 田亩征税 土产 户口 差役

第四卷

堰陂 镇店 铺舍 桥梁 关津

第五卷

兵制 仓庾 祀典 古迹

第六卷

陵墓 名宦

第七卷

名宦 人物

第八卷

人物 烈女

第九卷

科贡

第十卷

科贡 流寓 风俗 妖祥

第十一卷

寺观 僧道高流 诗

第十二卷

诗赋 文类

南阳府志卷之七

校注第三册

薛玓山西河津人弘治十七年任知州政简讼平民怀吏畏

玓前阙邓州志明名宦有孔显灵璧人洪武二年以右卫镇抚知邓州时值王权乱后元将失利把都平毁城池邓民无居守者二十余年玓至询其故址相地筑城修举废坠收集散亡民多归业内乡盗起率所部兵尽歼之境内安堵以功赐衣一袭寻擢正千户后以他事调贵州乌撒卫千户五世孙怀又以功晋袭指挥子孙在邓者多业儒登仕籍

萧用谦江西龙泉人监生永乐六年知邓州恭慎恺悌任久民安重修下默黑龙楚等堰百姓赖之

寇义字宗义平山人莱公之裔由监生知新野有能声宣德中擢邓州知州正直严明人不敢欺宿弊尽革赋役均平又修复塘堰等堰以兴水利暇则诣学训励诸生文教蔚起先是城中掘地得石碣云若要邓州治还须寇公至其政绩果继莱公今祀名宦祠新野县志字宗彝

杨仪衢州人宣德时知邓州学术正大以礼化民有争讼者必谆谆劝谕使相感悟不得已然后用刑为政一毫不苟立规设法务追古之循吏明统志通志云仪字彦礼在任未久而卒

张种中字伯翼黄县人成化十一年由举人知邓州招集流亡户口倍增锄强扶弱吏畏民怀

吴大有昆山人弘治十五年由进士知邓州重筑外城一十五里七分又继寇义增州治修学宫盖自孔显锐意兴作足垂不朽者至大有仅三人其后邓人思之崇祀名宦

于宽陕西咸宁人举人先任知县正德五年升任知州自守以贞临事不惧时流赋狙獫闻邓有备不敢犯民赖以安

邓州志宽字克洪历知巩完二县卒祀名宦

程鹏山西解州人进士正德十二年任知州敦朴不扰民庶安之升刑部员外郎

邓州志鵬有修陂堰记仕至郎中

余承业四川青神人进士嘉靖四年任知州性严明政有声迹升府同知

邓州志承业仕至参议惟云十六年任与本志异 以上知州

孙镒直隶庆都人监生嘉靖四年任同知持身清谨所至有声尝城内乡署新野南召事悉有

惠政民思之

邓州志升卫辉府同知祀名宦

林泉福建莆田人举人天顺五年任学正立教有方士多依归

喻哲湖广麻城人举人成化七年任学正同学优长善於启迪

邓州志作俞哲

洪贯浙江鄞县人举人成化十四年任学正以易学启迪后人升知县

李郁直隶开州人举人成化十八年任学正教人不倦升山西榆次知县

唐闻韶直隶祁门人举人弘治三年任学正勤教有方升国子监学录

邓州志唐作康

杨琅浙江会稽人举人弘治十二年任学正学博教勤士风丕振升南京光禄寺署正寻升都

察院经历转柳州府同知

琅邓州志作琅博学攻古文词后历官郴州府知府案邓州学有训导二人宣德时有训导张受字应祥其先河南信阳人

元末游宦江西因家广信之上饶受贡入成均永乐丁亥召入文渊阁与修大典秋阁中高第明年会试中乙榜得晋州儒学训导秩满调邓州丁内艰去前后典试浙江陕西福建河南终於进贤教谕李贤有张先生墓表又有送邓州学训导柴君序柴惟一浙

之江山人領鄉荐登乙榜正統七年訓導鄧學云

內乡县

史惟一 汉中洋县人洪武初任知县勤谨仁恕修举废坠吏民怀服

內乡志祀名宦

胡恪 山东高唐州人永乐初任知县律己守法民安事集后以求贤举升河南按察司金事民到今称之

內乡志祀名宦

邓恂 安庆宿松人举人宣德初任知县尊贤劝士畏义爱民逋税久不完恂设法征之民不扰而事集尚书许公廓巡抚河南表其政绩未及擢用而卒人咸惜之

內乡志恂字性善永乐辛卯举人先知叶县公勤廉恕

貌安 凤阳太和人监生正统间任知县宅心耿介莅政公勤尚贤礼士敦信恤民历任将满而卒

內乡志景泰四年卒祀名宦李贤古穰集有送額知县之內乡序

郑时 庐州舒城人进士任御史天顺间谪知县事政平讼理吏畏民怀未几升福建延平知府历升右副都御史巡抚陕西

明统志时累升陕西巡抚內乡志时字良宗知內乡县拓城郭兴水利起教化政治革新历官至刑部尚书记名宦

□ 节 贵州籍浙江寿昌人成化壬辰进士任知县居官慈惠政尚宽平未几征擢福建道监察

御史

内乡志徐节字时中案节有南阳志学书院碑阴记明实录节后官右副都御史

沃频浙江定海人成化丙戌进士以监察御史左迁知县凡百公署学校皆其所建积粟十余万石备赈锄强扶弱政绩赫然擢湖广荆州府知府

明实录成化十四年九月巡按江西御史沃频调外任为内乡知县内乡志频字文渊成化十五年知县祀名宦

王环山西平阴人成化丁未进士任知县莅政廉明毁淫祠修学校在任凡二年而卒民哀思之

袁佐湖广荆山人成化丁未进士任知县清慎勤能公明仁恕尤注意学校时临讲解士子感激成就者居多后擢广西道监察御史寻升陕西按察司僉事及卒里巷设木主以祭

内乡志佐京山人弘治八年知内乡按京山湖北县名本志误

陈伟山东东阿人举人任知县性耿介莅政勤廉升湖州府通判寻升西安府同知士民称之内乡志伟弘治十年任

胡裕湖广武昌人举人任知县莅政宽平仁恕勤谨谦抑待士以礼人不忍欺重建明伦堂斋舍忤当道意谪陕西静宁州判官去之日吏民攀卧有泣下著

内乡志裕嘉靖元年知内乡县

王瑶山东高唐人嘉靖丙戌进士任知县发奸摘伏雷厉风飞德化大行未几以才堪治繁改直隶泰兴百姓泣而送之

以上知县

胡仲达四川营山人洪武十年任县丞奉法尽职恤众兴贤百姓德之未几卒於官吏民哀之如悲考妣

内乡志仲达祀名宦子遵遂家焉遵子忠封礼科给事中恕贡士广齐主簿忠子增举人凤翔府同知瑞进士人物有传

杨乃祯陕西咸宁人举人任教谕师道尊严教规整饰清节著闻提学副使车玺优加奖励监司□荐升东昌教授擢监察御史寻升四川按察司金事

内乡志作杨邦祯祀名宦

张来仪直隶霸州人举人任教谕师道卓人性不谄谀有古人风

傅沼湖广巴陵人举人任教谕为人谦抑不伐精诗义朝夕讲解不辍九年给由不就选而去

内乡志初正德间任

李信成都左护卫人监生任训导持身廉洁律己端方未尝以利禄为心卒于官囊无余资人痛惜之

齐平山东德平人监生任训导谦抑廉谨以师道率人不受贿遗以言忤时浩然东归仪宾马文汉作清德歌以送之

内乡志平正德间任文汉唐府仪宾县志有于志学新野人元末任解州知事弃官归洪武间用刑部主事郑耕授内乡训导擢御史

新野县

陈恕江西临川人洪武六年任知县教民孝弟忠信力田务本赏罚明信词讼简息吏民怀慕

不忘

新野志祀名宦

金钰江西人洪武中任知县教民有方莅政公勤民多德之

唐仲铭陝西隴西人永乐二十年任知县居官廉勤卒于官子孙因家焉

孙富徽州休宁人宣德四年任知县资性耿介莅事端谨修筑沙堰民获其利

明统志作孙宗富正统初知新野县见省志

薛琦赵州临城人成化二〇年任知县守身无玷处世有方

江东直隶霸州人举人嘉靖二年任知县持己无私为政有体事见去思碑

新野志东字朝宗性孝友政廉而明宽而肃兴学校移仓庾以忧去祀名宦

浙川县

武文直隶井陘人监生成化七年任知县处己廉勤敷政宽平民皆爱戴有开创之绩御寇之

谋至今犹传诵焉

浙川厅志文字翰英井陘岁贡邑有专祀春秋致祭仍祀名宦

刘继直隶稿城人进士成化十八年任知县赋性刚毅处事明敏笃於学校士风丕振精於武

备盗贼屏息岁值大饥给种子以慰民心又推俸禄以周师儒民咸颂之

浙川志继栳城进士祀名宦

樊珣直隶文安人进士弘治元年任知县克勤克俭有守有为毅然以古良吏自期政平而刑

几措讼简而民自安由创邑以来兴利之多遗泽之深未有及之者

浙川志祀名宦

李奎直隶赵州人举人嘉靖三年任知县秉心清白为政严明执法定审差均惜未逾年而卒

浙川志祀名宦

赵廷璋四川都司青川守御所人监生见任知县

浙川志廷璋四川都司守御所监生嘉靖四年任修学筑城开渠堰集流民始终不替祀名宦

裕州

曹居敬山东人监生永乐中任知州廉谨慈惠不施鞭朴妻孥衣粗食粝安于俭约九载秩满吏民感泣不忍其去

明统志省志同裕州志永乐三年任

石鼎直隶南乐人乡贡永乐十六年擢知州为政宽恕劝农兴学桥道驿传祠庙之属凡便於民者无不修举九载秩满裕民保留复任莅事逾谨吏民敬服

明实录宣德六年十月复裕州知州石鼎职升正五品禄以九年考最当升吏民赵闕奏乞留故升禄俸复任案明裕州民有奏诛知州者明实禄天顺七年正月丙申裕州民奏知州秦永昌贪暴打死人命数多且常衣黄闕民兵上遭锦衣卫官校往核之遂执至京且籍其家资陈于外廷诏廷臣阅之内阁暨诸大臣合疏清诛永昌以戒有司上从之斩永昌于市七月命河南右布政使侯臣参政萧俨谢裕参议王铉按察使吴中副使张諫项聪金事王诏称职罚俸三年金事高逵冠带闲住降监察御史吴玘梁觀浙江金事陈璧台州府知府邢宥俱县丞以永昌坐诛逮两司及连年巡按御史等官璧宥尝为御史巡按者坐故纵故有是命

徐政直隶永平人举人成化间任知州后升西安府知府善政见去思碑

裕州志政永平人成化十年任

王锡山西高平人进士任知州天性孝义莅官未期月即染病仍强起视事清简明察吏不能欺士民贤否无不周知平居言温气和及遇事毅然事有不便於民者力请於当道虽忤其意不顾也未几病益深方就枕榻家众缺食出其夫人首饰货之其父私召祇候辈欲令少助闻之泣曰儿即死可也脱得愈何面目以见百姓乎寻卒士民莫不哀悼

裕州志锡弘治十四年任

李师儒高阳人进士正德元年任知州莅政刚明民怀吏畏待士有礼未几升都督府经历

裕州志正德二年任仕至参政

李德仁东安人进士正德五年滴知裕州清静仁恕号为长者不幸遇大盗以城池失守去职郁采浙江山阴人进士任刑部主事滴大名府教授寻升裕州同知正德六年流贼作乱以守城拒贼为已任及贼至城陷力战而死当道上其事赠光禄寺少卿赐诰命谕祭荫一子入监命有司立祠春秋祭之

采字亮之号兰洲清统志与都指挥詹济在籍御史任贤共坚守斩获甚多城陷被执采骂贼不辍贼碎其辅颊而死济贤亦不屈被害通志知裕州误裕州志作郁采与乡绅监察御史任贤同死于难仪宾庄士俊具棺殓葬敕建双忠祠

郝世家陕西三原人进士正德十年任知州修城有功政善民安升刑部员外郎寻升山东按

察司金事

裕州志世家见城卑池堙圻筑垣障竟以砖石完固壮丽甲于〔子〕豫省巡抚李士修撤各属视为法

王廷陈湖广黄岗人进士改庶吉士正德十四年任知州刚明果决操持无玷但急不受挫折又疾恶太深是以不能久於其任

廷陈字稚钦颖慧绝人武宗下诏南巡与同馆舒芬等七人疏谏上怒罚跪五日杖於廷时已改吏科给事中乃出为裕州知州廷陈不习为吏又失职怨望簿牒堆案漫不省视夏日裸跣坐堂皇见飞鸟集庭树辄止讼者取弹弹之上官行部不出迎已而布政使陈凤梧巡按御史喻茂坚先后至廷陈以凤梧座主特出迓凤梧好谓曰子候我固善御史即来候之当倍谨廷陈许诺及茂坚至徇其素骄蹇有意裁抑之以小过榜州吏廷陈为跪请茂坚故益甚廷陈大骂曰陈公误我悉呼吏卒出锁其门禁绝供亿且将具奏茂坚大窘凤梧为解乃夜驰去寻上疏劾之适裕人被案者逸出奏廷陈不法事收捕系狱削籍归见明史卷二百八十六本传

窦明山西武乡人进士通政司参议正德十六年调任知州守己爱民政尚平恕得牧民体累升按察司副使

山西通志明正德辛未进士任给事中后出知裕州擢凤翔府累升陕西布政使俱有政声

茹鸣金太医院人进士嘉靖三年任知州平易谦退政不扰民升户部员外郎承天知府以上知州

孙绍卿山西代州人恩生任同知持守清白才能干济升陕西延安府通判

李克敬河间府东光人监生任判官守己无玷莅政有为不幸被诬去任士民惜之

徐富举人任学正勤於训诲造就人才之功为多

万应选安福人举人任学正有学能文允称师儒

马仁广西临桂人贡士见任学正

潘允和新城人

刘玺靖虏人俱监生见任训导

舞阳县

王谔浙江龙泉人洪武中任知县为政公平耆旧称之

舞阳志谔洪武初任综理得宜

卢广寿州人永乐初任知县守法奉公有能声

舞阳志邑人有被掠无所控诉者广踪迹捕获验实置之法自后邑无盗警秩满迁去

王骐固安人永乐十年生员任工部主事改知县下车之初民以灾告骐请折纳花布以便公私惠及旁邑有被劫掠无所控诉者骐踪迹得之遣吏卒掩捕验实置之於法自后通邑无警秩满考上等进阶给驿还任操履益坚宣德纪元卒於官知府陈正伦遣人慰祭民悼慕之

舞阳志年饥不得报民赖全活后以子贵赠工部尚书案骐捕劫掠事县志载入卢广传未详孰是

张智山东阳谷人监生天顺间任知县下车未期年百废具举筑城建门始於智民感慕之

宋鉴阳城人进士成化辛丑任知县廉明果断盗息民安重修学校别立书院政暇即与诸生讲论人各有所得后擢御史升庐州府知府

舞阳志鑑更於县治东立书院终庐州府知府

陈碧保定青苑人监生弘治间任知县莅官廉慎后擢常州府通判

舞阳志碧时岁禾丰稔谷秀双歧青作清是

周逵山东朝城人举人正德间任知县下车首以砖包城不三月而毕县治学校罔不修饰民怀其德吏畏其威后以贤能调新乡县

舞阳志下车值流寇残酷之余百方综理事妥民安民建祠勒碑

樊景麟四川新繁人进士嘉靖四年任知县廉洁自守政举民畏升南京兵部主事

清府志景麟后以公事过舞阳百姓戴香而迎充满道路历官按察司副使

以上知县

王亮汉阳人正统末年任主簿视学狭隘毅然以创辟为己任诸凡靡不经营且重修坛壝繚以墙垣民不告劳教谕汪理撰文称之见艺文类

舞阳志亮字志明修学越七年落成庙左井水清甘名曰廉泉

余贤四川大邑人监生见任教谕

魏宁直隶良乡人监生见任训导

叶县

唐吉祥直隶歙县人乙丑进士初尹祁县为政乐易民安其化秩满考上第赐宴南官洪武中改知叶县叶当要路事最繁剧吉祥处之裕如未几调南阳县县附郭征需百出比叶尤难吉祥不

迨不偁常若易士林咸称之

明统志叶南阳二县驛传旁午吉祥虽急遽中未尝有厉色

王濂余姚人洪武中任知县为政得休吏民不欺秩满升陝西布政使能声益著

叶县志同

郭珣宿松人监生洪武间任知县资质端谨抚下宽平且性嗜淡泊不喜矜售邑民皆以公廉勤敏称之以疾卒民甚悲悼

叶县志作邓恂字性善永乐间由叶令历知南阳内乡祀名宦案已见内乡志亦作邓恂

宋玺真定行唐人先任镇平知县成化二年调叶县正直廉介刚果有为升泗州知州

明统志玺成化初南阳知县治行称最赐宴旌异见省志清通志玺直隶行唐人成化初知镇平县以考最赐宴旌异擢泗州知州不言南阳康熙镇平志玺直隶邢台人景泰间任以鯁直称南阳志引明统志案玺行唐人镇平志误叶志失载

安民陝西蒲城人举人先任训导成化间升叶县知县才气英发有学识方正敏达不屈於势待士以礼处身以义为监司所重以疾卒士林伤之

叶县志安民成化六年升知叶县

秦志陝西临汾人举人弘治间任知县有才干为政严整守己无玷重建庙学仓库公署铺舍积粟十余万石其后屡遭岁歉赖以赈济累升凤翔府同知

叶县志祀名宦

刘珂山东鱼台人举人弘治末任知县性资笃厚实心爱人理官事如家事公廉大著请减修河夫役吏民悦服有民以白金十余斤暮夜请托者公怒而却之人服其廉监司屡荐行将擢用以

疾求去民痛惜之

叶县志祀名宦

石鼎陝西凤翔人举人正德八年任知县城本土筑甯始以砖包之

清府志县志同

姚文清山西阳曲人进士正德十一年任知县检身周慎为政严肃讼息民安请减修河夫役修城浚池民感其惠

清志有唐天恩常熟人正德中为叶县知县流贼陷城天恩死之叶县志天恩由举人知叶县正德六年大盗师尚诏起归德转掠至叶叶上城不可守及陷天恩被执不屈遂遇害属七人同时殉节事闻赠光禄寺少卿祀名宦清府志剿贼刘六刘七拥众压境被执不屈诏荫其一子

赵焱山东齐河人进士正德十四年任知县性刚明善断勇於捕盗民赖以安

薛华山西河津人文清之裔孙进士正德十六年任知县德性慈祥政尚仁恕士民方仰其德化未几感疾卒人咸惜之

李充洙永平卫人进士见任知县

清府志李克洙修复陂堰引昆水溉田擢礼科历官河南布政使叶县志亦作克洙以上知县

袁浚四川广原人监生弘治末任县丞为人谦和才能干济升知县

刘继陝西宜川人监生正德初年任县丞才力敏捷志气不群升庐氏知县

岳乔四川巫山人监生嘉靖八年任县丞志节清高未几致仕去